

張仲景傷寒論貫珠集卷之三

飲鶴山人尤怡在涇註

二然朱陶性校

陽明上篇

辨列陽明條例大意

太陽病從外入是以經病多於府病若陽明則府病多于經病以經邪不能久留而府邪常聚而不行也故仲師以胃為實為陽明正病本篇先列府病於前次列經病于後遵先聖之法也而經病有傳經自受之不同府病有宜下宜清宜溫之各異詳見各條要皆不出為正治之法也此為上篇凡五十條其次則為明辨法蓋陽明以胃實為病之正以攻下為法之的而其間有經府相連虛實交錯或可下或不可下或可下而尚未可下及不可大下之時故有脈實潮熱轉失氣小便少等辨及外導潤下等法又其次為雜治法謂病變發黃畜血諸候非復陽明胃實及經邪留滯之時所可比例或散或下所當各隨其證而異其治者也此為下篇凡三十三條

陽明正治法第一

陽明正病證十二條

陽明之為病胃家實也

張仲景傷寒論貫珠集目錄卷三

辨列陽明條例大意

陽明正治法第一 計五十條 方四道

陽明府病證十二條

調胃承氣湯證四條

小承氣湯證二條

小承氣湯方

大承氣湯證九條

大承氣湯方

白虎加入參湯證三條

陽明經脈因證治十一條

陽明病風寒不同證治九條

吳茱萸湯方



張仲景傷寒論貫珠集卷之三

飲鶴山人尤怡在涇註

二然朱陶性校

陽明上篇

辨列陽明條例大意

太陽病從外入是以經病多於府病若陽明則府病多于經病以經邪不能久留而府邪常聚而不行也故仲師以胃為實為陽明正病本篇先列府病於前次列經病于後遵先聖之法也而經病有傳經自受之不同府病有宜下宜清宜溫之各異詳見各條要皆不出為正治之法也此為上篇凡五十條其次則為明辨法蓋陽明以胃實為病之正以攻下為法之的而其間有經府相連虛實交錯或可下或不可下或可下而尚未可下及不可大下之時故有脈實潮熱轉失氣小便少等辨及外導潤下等法又其次為雜治法謂病變發黃畜血諸候非復陽明胃實及經邪留滯之時所可比例或散或下所當各隨其證而異其治者也此為下篇凡三十三條

陽明正治法第一

陽明正病證十二條

陽明之為病胃家實也

胃者暈也水穀之海為陽明之府也胃家實者邪熱入胃與糟粕相結而成實非胃氣自盛也凡傷寒腹滿便閉潮熱轉失氣手足濇濇汗出等證皆是陽明胃實之證也

問曰病有太陽陽明有正陽陽明有少陽陽明何謂也答曰太陽陽明者脾約是也正陽陽明者胃家實是也少陽陽明者發汗利小便已胃中燥煩實大便難是也太陽陽明者病在太陽而兼陽明內實以其人胃陽素盛脾陰不布榮小而鞭病成脾約于是太陽方受邪氣而陽明已成內實也正陽陽明者邪熱入胃糟粕內結為陽明自病活人所謂病人本穀盛氣實是也少陽陽明者病從少陽而轉屬陽明得之發汗利小便津液去而胃燥實如本論所謂傷寒十餘日熱結在裏復往來寒熱者與大柴胡湯是也此因陽明之病有是三者之異故設為問答以明之而其為胃家實則一也

問曰陽明病外證云何答曰身熱汗自出不惡寒反惡熱也

問曰病有得之一日不發熱而惡寒者何也答曰雖得之一日惡寒將自罷即自汗出而惡熱也

問曰惡寒何故自罷答曰陽明居中土也萬物所歸無所復傳始雖惡寒二日自止此為陽明病也

經邪未變故惡寒入府則變熱而不寒經邪不能聚故傳入府則聚而不傳曰萬物所歸者謂邪氣離經入府聚而不行如萬物之歸於土也是以惡寒為傷寒在表之的證惡熱為陽明入府之的證始雖惡寒不久即止豈若太陽始終有寒者哉此三條並論陽明受病之證也

問曰何緣得陽明病答曰太陽病發汗若下若利小便此亡津液胃中乾燥因轉屬陽明不更衣內實大便難者此名陽明也

胃者津液之府也汗下利小便津液外亡胃中乾燥此時寒邪已變為熱熱猶火也火必就燥所以邪氣轉屬陽明也而太陽轉屬陽明其端有二太陽初得病時發其汗汗先出不徹因轉屬陽明也為邪氣未盡而傳其病在經此太陽病若汗若下若利小便亡津液胃中乾燥因轉屬陽明者為邪氣變熱而傳其病在府也此陽明受病之因也

傷寒四五日脈沉而喘滿沉為在裏而反發其汗津液越出大便為難表虛裏實久則譫語

脈沉病在裏也喘滿因滿而為喘病之實也傷寒四五日病在裏而成實法當攻裏而反發其汗津液外亡腸胃內燥大便為難所必然矣表虛裏實亦即表和裏病之意久則譫語者熱氣乘虛必歸陽明而成胃實也

傷寒實錄卷三
脈陽微而汗出少者為自和也汗出多者為太過陽脈實因發其汗出多者亦為太過太過為陽絕於裏亡津液大便因鞭也

脈陽微者諸陽脈微即正之虛也故汗出少者邪適去而正不傷為自和汗出多者邪雖却而正亦衰為太過也陽脈實者邪之實也然發其汗出多者亦為太過為其津亡於外而陽絕於裏也夫陽為津液之源津液為陽之根汗出過多津液竭矣陽氣雖存根本則離故曰陽絕陽絕津亡大便焉得不鞭耶

脈浮而芤浮為陽芤為陰浮芤相搏胃氣生熱其陽則絕
脈浮為盛於外脈芤為歉于內浮為陽謂陽獨盛也芤為陰謂陰不足也浮芤相搏陽有餘而陰不足也胃液枯竭內虛生熱雖有陽氣無與為偶亦如上條之意也故曰其陽則絕以上三條乃因陽明受病之因而申言之其下三條則申言陽明受病之證也

傷寒發熱無汗嘔不能食而反汗出漉漉然者是轉屬陽明也

傷寒轉繫陽明者其人漉漉然微汗出也

發熱無汗為太陽病在表嘔不能食者邪欲入裏而正氣拒之也至汗出漉漉則太陽之邪陽明已受之矣故曰轉繫陽明太陽寒在皮毛腠理閉塞故無汗陽明熱在肌肉腠開液泄故漉漉然汗自出也

病人不大便五六日繞臍痛煩燥發作有時者此有燥屎故使不大便也

熱結陽明為不大便五六日為繞臍痛煩燥發作有時皆燥屎在胃之徵有時謂陽明王時為日晡也陽明燥結不得大便意非大承氣不為功矣

調胃承氣湯證四條

太陽病三日發汗不解蒸蒸發熱者屬胃也調胃承氣主之

發汗不解邪不外散而欲內傳為太陽而之陽明之候也蒸蒸發熱者熱聚于內而氣蒸于外與太陽邪鬱於外而熱盛于表者不同故彼宜外解此宜清理也然無燥實等證則所以治之者宜緩而不宜急矣調胃者調其胃氣返于中和不使熱盛實氣而劫奪津氣也

調胃承氣湯方見太陽權變法

傷寒十三日不解過經譫語者以有熱也當以湯下之若小便利者大便當鞭而反下利脈調和者知醫以丸藥下之非其治也若自下利者脈當微厥今反和者此為內實也調胃承氣湯主之

此亦邪氣去太陽而之陽明之證過經者邪氣去此而之彼之謂非必十三日不解而後謂之過經也觀少陽篇第二十條云太陽病過經十餘日又本篇第六十一條云此為風也須下之過經乃可下之則是太陽病罷而入陽明或傳少陽者

即謂之過經其未罷者即謂之併病耳。譫語胃有熱也。則熱當以湯下之。若小便利者津液偏滲其大便必鞭而反下利。脈調和者醫知宜下而不達宜湯之旨。故以丸藥下之非其治也。脈當微厥今反和者以其內實雖下利而胃有燥屎本屬可下之候也。故當以調胃承氣湯下其內熱。此條太陽篇移入陽明病不吐不下心煩者可與調胃承氣湯。

病在陽明既不上湧又不下泄而心煩者邪氣在中土鬱而成熱也。經曰上鬱則奪之調胃承氣蓋以通土氣非以下燥屎也。

傷寒吐後腹脹滿者與調胃承氣湯。

吐後腹脹滿者邪氣不從吐而外散反因吐而內陷也。然脹形已具自必攻之使去而吐後氣傷又不可以大下故亦宜大黃甘草芒硝調之俾反于利而已。設遇庸工見其脹滿必以枳朴為急矣。

小承氣湯證二條

太陽病若吐若下若發汗微煩小便數大便因鞭者與小承氣湯和之愈。

若與或同病在太陽或吐或下或汗邪仍不解而微煩邪氣不之表而之裏也。小便數大便因鞭者熱氣不之太陽之本而之陽明之府可與小承氣和胃除熱為主不取大下者以津液先亡不欲更傷其陰耳。

小承氣湯方

大黃四兩 厚朴二兩去皮炙 枳實三枚炙

右三味以水四升煮取一升二合去滓分溫二服初服湯當更衣不爾者盡飲之若更衣者勿服之

陽明病其人多汗以津液外出胃中燥大便秘則譫語小承氣湯主之若一服譫語止更莫復服

汗生于津液津液資於穀氣故陽明多汗則津液外出也津液出於陽明而陽明亦藉養於津液故陽明多汗則胃中無液而燥也胃燥則大便秘則譫語是宜小承氣湯以和胃而去實若一服譫語止更莫復服者以津液先亡不欲多下以竭其陰亦如上條之意也

大承湯證九條

陽明病譫語有潮熱反不能食者胃中必有燥屎五六枚也若能食者但鞭耳宜大承氣湯下之

傷寒胃熱而虛者能食胃寒而實者則不能食而陽明病有燥屎者可攻無燥屎者則不可攻譫語潮熱胃之熱也是當能食而反不能食者中有燥屎氣窒而不行法當大承氣下之者也若能食者屎未成燥而但鞭耳設欲攻之則必以小承

氣和之如上二條所云而已本文宜大承氣湯下之七字當在胃中有燥屎句下
大承氣湯方

大黃四兩酒洗 厚朴半觔炙去皮 枳實五枚炙 芒硝二合

右四味以水一斗先煮二物取五升去滓內大黃煮取二升去滓內芒硝更上
微火一兩沸分溫再服得下餘勿服

病人小便不利大便乍難乍易時有微熱喘冒不能卧者有燥屎也宜大承氣湯
小便不利者其大便必澹而有燥屎者水液雖還入胃猶不足以潤之故大便秘
有難時而亦乍有易時也若時有微熱喘冒不得卧則熱氣外攻內擾而復上逆
知其聚于中者盛也故曰有燥屎也大便雖有易時亦必以大承氣為主矣

大下後六七日不大便煩不解腹滿痛者此有燥屎也所以然者本有宿食故也宜
大承氣湯

大下之後胃氣復實煩滿復增者以其人本有宿食未去邪氣復得而據之也不
然下後胃虛豈得更與大下哉蓋陽明病實則邪易聚而不傳虛則邪不得聚而
傳是以雖發潮熱而大便澹者邪氣轉屬少陽為胸脇滿不去雖經大下而有宿
食者邪氣復集胃中為不大便煩滿腹痛有燥屎而彼與小柴胡此宜大承氣一
和一下天然不易之法也小柴胡證見本篇四十一條宜互參

傷寒若吐若下後不解不大便五六日上至十餘日日晡所發潮熱不惡寒獨語如見鬼狀若劇者發則不識人循衣摸牀惕而不安微喘直視脈弦者生濇者死微者但發熱譫語者大承氣湯主之若一服利止後服

吐下之後邪氣不從外解而仍內結熱入胃府聚而成實致不大便五六日或十餘日也陽明內實則日晡所發潮熱蓋申酉為陽明王時而日晡為申酉時也表和裏病則不惡寒傷寒以惡熱為裏而惡寒為表也熱氣薰心則獨語如見鬼狀蓋腎藏于心而陽明之絡通于心也若熱甚而劇者發則不識人循衣摸床惕而不安微喘直視是不特邪盛而正亦衰矣若脈弦則陰未絕而猶可治脈濇則陰已絕而不可治所謂傷寒陽勝而陰絕者死也其熱微而未至於劇者則但發熱譫語不大便而已是可以大承氣下之而愈也一服利止後服者以熱未至劇故不可過下以傷其正耳

二陽併病太陽證罷但發潮熱手足絳絳汗出大便難而譫語者下之則愈宜大承氣湯

此太陽併于陽明之證然併病有併而未罷之證雖入陽明未離太陽則可汗而不可下如本篇第三十九條之證是也此條為併而已罷之證雖曰併病實為陽明故可下而不可汗潮熱手足絳絳汗出大便難譫語皆胃實之徵故曰下之則

愈宜大承氣湯

陽明少陽合病必下利其脈不負者順也負者失也互相尅賊名為負也脈滑而數者有宿食也當下之宜大承氣湯

陽明少陽合病視太陽陽明合病為尤深矣故必下利而陽明土少陽木於法又有互相尅賊之机故須審其脈不負者為順其有負者為失也負者少陽王而陽明衰謂木勝乘土也若脈滑而數則陽明王而少陽負以有宿食在胃故邪氣得歸陽明而成可下之證不然冒虛風動其下利寧有止期耶

傷寒六七日目中不了了睛不和無表裏證大便難身微熱者此為實也急下之宜大承氣湯

目中不了了者目光不精而視物不明也睛不和者目直視而不圓轉也六七日熱盛而陰傷故其證如此無表裏證無頭痛惡寒而又無腹滿譫語等證也然而大便難身微熱則實證已具合之目中不了了睛不和其為熱極陰傷無疑故雖無大滿大實亦必以大承氣湯急下見稍遲則陰竭不復而死耳

陽明病發熱汗多者急下之宜大承氣湯

發熱汗多者熱盛于內而津迫于外也不下則熱不除不除則汗不止而陰乃亡矣故宜急下然必有實滿之證而後可下不然則是陽明白虎湯證宜清而不宜

下矣學者辨諸

發汗不解腹滿痛者急下之宜大承氣湯

發汗不解腹滿痛者病去表之裏而盛于裏也夫正氣與邪氣相搏則痛治之者如救鬪然遲則正被傷矣故亦宜急下

以上下法共十五條然其間或曰和或曰下或曰急下或一服利止後服各隨病之大小緩急而異其治學者所當明辨也

合論三承氣湯方

承者順也順而承者地之道也故天居地上而常卑而下行地處天下而常順承乎天人之脾胃猶地之上也乃邪熱入之與糟粕結于是燥而不潤剛而不柔滯而不行而失其地之道矣豈復能承天之氣哉大黃芒硝枳朴之屬滌蕩脾胃使糟粕一行則熱邪畢出地道既平天氣乃降清寧復舊矣曰大曰小曰調胃則各因其制而異其名耳蓋以硝黃之潤下而益以枳朴之推逐則其力頗猛故曰大其無芒硝而但有枳朴者則下趨之勢緩故曰小其去枳朴之苦辛而加甘草之甘緩則其力尤緩但取和調胃氣使歸于平而已故曰調胃

白虎加人參湯證三條

傷寒病若吐若下後六七日不解熱結在裏表裏俱熱時時惡風大渴舌上乾燥而

煩若飲水數升者白虎加人參湯主之

以下三條王叔和本在太陽篇中今移置此

傷寒若下若吐後至七八日不解而燥渴轉增者邪氣去太陽之經而入陽明之府也陽明經為表而府為裏故曰熱結在裏府中之熱自內際外為表裏俱熱熱盛於內陰反外居為時時惡風而胃者津液之原也熱盛而涸則舌上乾燥故既以白虎除熱必加人參以生津尚從善所謂邪熱結而為實者則無大渴邪氣散漫薰蒸焦膈故舌上乾燥而煩大渴欲飲水數升是也是以白虎承氣並為陽明府病之方而承氣苦寒逐熱蕩實為熱而且實者設白虎甘寒逐熱生津為熱而不實者設乃陽明邪熱入府之兩大法門也故從太陽分出三條並列于此云

白虎加人參湯方見太陽辨證法

傷寒無大熱口燥渴心煩背微惡寒者白虎加人參湯主之

無大熱表無大熱也口燥渴心煩裏熱極盛也背微惡寒與時時惡風同意蓋亦太陽經邪傳入陽明胃府薰蒸焦膈之證故宜白虎加人參以徹熱而生津也

傷寒脈浮發熱無汗其表不解者不可與白虎渴渴欲飲水無表證者白虎加人參湯主之

前二條既著白虎之用此條復示白虎之戒謂邪氣雖入陽明之府而脈證猶帶

太陽之經者則不可使與白虎湯與之則適以留表邪而傷胃氣也而又申之口渴欲飲水無表證者白虎加人參湯主之其丁寧反覆之意可謂至矣

陽明經病脈因證治十一條

傷寒三日陽明脈大

邪氣併于太陽則浮併于陽明則大云三日者舉傳經次第之大凡也太陽明之脈人迎跌陽皆是傷寒三日邪入陽明則是二脈當大不得獨診于右手之附上也本太陽病初得時發其汗汗先出不徹因轉屬陽明也

徹達也汗雖欲出而不達于皮膚則邪不外出而反內入此太陽之邪傳陽明之經與汗下後入府者不同也

陽明病脈浮而緊者必潮熱發作有時但浮者必盜汗出

太陽脈緊為寒在表陽明脈緊為實在裏裏實則潮熱發作有時也若脈但浮而不緊者為裏未實而經有熱經熱則盜汗出蓋雜病盜汗為熱在臟外感盜汗為邪在經易簡方用防風治盜汗不止此之謂也

陽明病反無汗而小便利二三日嘔而欬手足厥者必苦頭痛若不欬不嘔手足不厥者頭不痛

無汗而小便利邪不外散而氣但下趨也二三日嘔而欬者邪復從上行也手足

厥者氣仍不外達也故必苦頭痛所以然者下趨而極勢必上行外達無由上攻必猛也若不效不嘔則氣且下行手足不厥則氣得四達何至上逆而頭痛哉讀此可以知陽明邪氣上下進退之機

陽明病口燥但欲漱水不欲嚥者此必衄

陽明口燥欲飲水者熱在氣而屬府口燥但欲漱水不欲嚥者熱在血而屬經經中熱甚血被熱迫必妄行為衄也

脈浮發熱口乾鼻燥能食者則衄

脈浮發熱口乾鼻燥亦熱邪壅盛於經之證能食者風多熱迫安得不勝陰血被衄耶

陽明病脈遲汗出多微惡寒者表未解也可發汗宜桂枝湯

陽明病脈浮無汗而喘者發汗則愈宜麻黃湯

此二條乃風寒初中陽明之證其見證與太陽中風傷寒相類而陽明比太陽稍深故中風之脈不浮而遲傷寒之脈不緊而浮以風寒之氣入肌肉之分則閉固之力少而壅遏之力多也而其治法則必與太陽少異見有汗而惡寒者必桂枝可解無汗而喘者非麻黃不發矣

二陽併病太陽初得病時發其汗汗先出不徹因轉屬陽明續自微汗出不惡寒若

太陽病證不罷者不可下下之為逆如此可小發汗設面色緣緣正赤者陽氣怫鬱在表當解之薰之若發汗不徹不足言陽氣怫鬱不得越當汗不汗其人躁煩不知愈何以知汗出不徹以脈濇故知也 此篇從太陽篇移入

二陽併病者太陽病未罷而併于陽明也太陽得病時發汗不徹則邪氣不得外出而反內走陽明此併之由也續自微汗出不惡寒此陽明證續見乃併之證也若太陽證不罷者不可下下之為逆所謂本當發汗而反下之此為逆是也如是者可小發汗以病兼陽明故不可大汗而可小發此併病之治也若發其小汗已面色緣緣正赤者陽氣怫鬱在表而不得越散當解之薰之以助其散又併病之治也發汗不徹下疑脫一徹字謂發汗不徹雖徹而不足云徹猶腹滿不減減不足言之文汗出不徹則陽氣怫鬱不得越陽不得越則當汗而不得汗於是邪無從出攻走無常其人躁煩不知痛處乍在腹中乍在四肢按之而不可得也短氣者表不得泄肺氣不宣也坐猶緣也言躁煩短氣等證但緣汗出不徹所致故當更發其汗則邪氣外達而愈非特薰解所能已其疾矣以面色緣緣正赤者邪氣怫鬱軀殼之表躁煩短氣者邪氣怫鬱軀殼之裏也按內經云脈滑者多汗又曰脈濇者陰氣少陽氣多也夫汗出于陽而生于陰因診其脈濇而知其汗出不徹